

一九七 太田入道殿御返事

貴札開之拜見。御痛事一歎二悅。維摩詰經云、爾時長者維摩詰自念、寢疾于牀。爾時佛告文殊師利、汝行詣維摩詰問疾云云。大涅槃經云、爾時如來乃至現身有疾、右脇而臥。如彼病人云云。法華經云、少病少惱云云。止觀第八云、若偃臥毗耶託疾興教。乃至如來寄滅談常、因病說力云云。又云、明病起因緣有六。一四大不順、故病。二飲食不節、故病。三坐禪不調、故病。四鬼得便。五魔所為。六業起、故病云云。大涅槃經云、世有三人、其病難治。一謗大乘。二五逆罪。三一闡提。如是三病、世中極重云云。又云、今世惡業成就、乃至必應地獄。乃至供養三寶、故不墮地獄、現世受報。所謂頭目背痛等云云。

止觀云、若有重罪、乃至人中輕償。此是業欲謝、故病也。

龍樹菩薩大論云、問云、若爾者、華嚴經乃至般若波羅蜜、非祕密法。而法華者、祕密也。乃至譬如大藥師、能變毒為藥云云。天台承此論云、譬如良醫、能變毒為藥、乃至今經得記、即是變毒為藥。故論云、餘經非祕密、法華為祕密也云云。止觀云、法華能治。復稱、為妙云云。妙樂云、難治能治。所以稱妙云云。大經云、爾時王舍大城阿闍世王、其

【采年】建治元年十一月三日(54) 【真蹟】斷片11紙 豊後鶴崎法心寺外5ヶ所散在 【寫】本滿寺本 【刊】外12,15 遺19,62 縮1320 【註】徵上53 考438

①/若偃...興教/1行9字 ②/鶴崎法心寺藏 ③/龍樹菩薩/4字 ④/京都本圓寺藏 ⑤/天台承此論/5字 ⑥/京都本圓寺藏 ⑦/譬如良醫/4字 ⑧/京都本圓寺藏